



ქალაქ ფოთის მუნიციპალიტეტის საკრებულო

განკარგულება № 11/36

2020 წლის 30 ივნის

ქალაქი ფოთი

ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის ტერიტორიაზე, ისტორიული განაშენიანების რეგულირების არეალის გარეთ მდებარე, ქალაქ ფოთის მუნიციპალიტეტის საკუთრებაში არსებული გარე განათების ბოძის ნაწილის შპს „მაგთიკომისათვის“ პირდაპირი განკარგვის წესით სარგებლობაში გადაცემასთან დაკავშირებით თანხმობის მიცემის შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის მერიაში შემოსული დოკუმენტის №01/2461, 2020 წლის 28 თებერვალი) მომართა შპს „მაგთიკომის“ გენერალური დირექტორის მოადგილემ და ითხოვა ოპტიკურ-ბოჭკოვანი ინტერნეტის და IP ტელევიზიის მომხმარებლისათვის მიწოდებასთან დაკავშირებით, ქალაქ ფოთის მუნიციპალიტეტის ტერიტორიაზე მდებარე, ქალაქ ფოთის მუნიციპალიტეტის საკუთრებაში არსებული გარე განათების ბოძების პირდაპირი განკარგვის წესით, 10 (ათი) წლის ვადით, სარგებლობაში გადაცემასთან დაკავშირებით შესაბამისი ხელშეკრულების გაფორმება, გარე განათების ბოძებზე (ბოძის ნაწილი) კაბელის გაყვანის მიზნით.

ქალაქ ფოთის მუნიციპალიტეტის საკრებულოში წინადადებით შემოვიდა ქალაქ ფოთის მუნიციპალიტეტის მერი, ქალაქ ფოთის მუნიციპალიტეტის ტერიტორიაზე, ისტორიული განაშენიანების რეგულირების არეალის გარეთ მდებარე, ქალაქ ფოთის მუნიციპალიტეტის საკუთრებაში არსებულ გარე განათების ბოძებზე ოპტიკურ-ბოჭკოვანი კაბელის გაყვანასთან დაკავშირებით შპს „მაგთიკომისათვის“ გარე განათების ბოძის ნაწილის პირდაპირი განკარგვის წესით, სასყიდლით, 5 (ხუთი) წლის ვადით სარგებლობაში გადაცემასთან დაკავშირებით თანხმობის მისაღებად.

„ადგილობრივი თვითმმართველობის კოდექსის“ საქართველოს ორგანული კანონის 122-ე მუხლის მე-4 პუნქტის შესაბამისად მუნიციპალიტეტის ქონების სარგებლობის უფლებით გადაცემა ხდება აუქციონის ფორმით ან პირდაპირი განკარგვის წესით. მუნიციპალიტეტის ქონების აუქციონის ფორმით სარგებლობის უფლებით გადაცემის შესახებ გადაწყვეტილებას იღებს მუნიციპალიტეტის აღმასრულებელი ორგანო, ხოლო მუნიციპალიტეტის ქონების პირდაპირი განკარგვის წესით სარგებლობის უფლებით უსასყიდლოდ გადაცემის შესახებ გადაწყვეტილებას - მუნიციპალიტეტის აღმასრულებელი ორგანო მუნიციპალიტეტის საკრებულოს თანხმობით. ამავე მუხლის მე-5 პუნქტის შესაბამისად პირდაპირი განკარგვის წესით მუნიციპალიტეტის ქონების სარგებლობის უფლებით გადაცემა შეიძლება სასყიდლით ან უსასყიდლოდ, პირობებით ან უპირობოდ.

ამასთანავე, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669

დადგენილებით დამტკიცებული წესების 22-ე მუხლის მე-4 პუნქტის შესაბამისად პირდაპირი განკარგვის წესით, მუნიციპალიტეტის ქონების სარგებლობის უფლებით გადაცემა შეიძლება სასყიდლით ან უსასყიდლოდ, პირობებით ან უპირობოდ.

„მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების 36-ე მუხლის მე-3 პუნქტის შესაბამისად მუნიციპალიტეტის მოძრავი ქონების პირდაპირი განკარგვის წესით, სარგებლობის უფლებით გადაცემისას ქირის წლიური საფასურის ოდენობა განისაზღვრება მუნიციპალიტეტის აღმასრულებელი ორგანოს მიერ, მუნიციპალიტეტის წარმომადგენლობითი ორგანოს თანხმობით.

ამდენად, მიზანშეწონილია ქალაქ ფოთის მუნიციპალიტეტის მერისთვის ქალაქ ფოთის მუნიციპალიტეტის ტერიტორიაზე, ისტორიული განაშენიანების რეგულირების არეალის გარეთ მდებარე, ქალაქ ფოთის მუნიციპალიტეტის საკუთრებაში არსებულ გარე განათების ბოძებზე ოპტიკურ-ბოჭკოვანი კაბელის გაყვანასთან დაკავშირებით შპს „მაგთიკომისათვის“ გარე განათების ბოძის ნაწილის პირდაპირი განკარგვის წესით, სასყიდლით, 5 (ხუთი) წლის ვადით სარგებლობაში გადაცემასთან დაკავშირებით თანხმობის მიცემა.

აღნიშნულიდან გამომდინარე:

მუხლი 1.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის ტერიტორიაზე, ისტორიული განაშენიანების რეგულირების არეალის გარეთ მდებარე, ქალაქ ფოთის მუნიციპალიტეტის საკუთრებაში არსებული გარე განათების ბოძის/ბოძების ნაწილი ოპტიკურ-ბოჭკოვანი კაბელის გაყვანის მიზნით, პირდაპირი განკარგვის წესით, სასყიდლით, 5 (ხუთი) წლის ვადით, იჯარის ფორმით სარგებლობაში გადასცეს შპს „მაგთიკომს“ (ს/კ 204876606).

მუხლი 2.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის ტერიტორიაზე, ისტორიული განაშენიანების რეგულირების არეალის გარეთ მდებარე, ქალაქ ფოთის მუნიციპალიტეტის საკუთრებაში არსებული გარე განათების ბოძის/ბოძების ნაწილის შპს „მაგთიკომისათვის“ (ს/კ 204876606) პირდაპირი განკარგვის წესით სარგებლობაში გადაცემისას, ქირის წლიური საფასურის ოდენობა (საიჯარო ქირა) თითოეულ ბოძის ნაწილზე განსაზღვროს 3.00 (სამი) ლარის ოდენობით.

მუხლი 3.

მაღადაკარგულად გამოცხადდეს „ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის ტერიტორიაზე, ისტორიული განაშენიანების (კულტურული მემკვიდრეობის) რეგულირების ზონის გარეთ მდებარე, ქალაქ ფოთის მუნიციპალიტეტის საკუთრებაში არსებული გარე განათების ბოძის ნაწილის შპს „მაგთიკომისათვის“ პირდაპირი განკარგვის წესით სარგებლობაში გადაცემასთან დაკავშირებით თანხმობის მიცემის შესახებ“ ქალაქ ფოთის მუნიციპალიტეტის საკრებულოს, 2019 წლის 16 აპრილის, №9/29 განკარგულება.

მუხლი 4.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 5.

განკარგულება ძალაშია 2020 წლის 30 ივნისიდან.



საქართველოს თავმჯდომარე

ბეჭა ვაჟარაძე